

START

Reel Contents

- 1. Walter, K. / Emendationum in Sophoclis fabulas specimen**
- 2. Wandinger, C. / Pomponia Graecina. Tac. Ann. XIII. 32 ...**
- 3. Walther, G. H. / Observationum in C. Cornelii Taciti opera conscriptarum ...**
- 4. Warren, M. / On the enclitic ne in early Latin ...**
- 5. Wasmansdorff, E. / Luciani scripta ea, quae ad Menippum spectant ...**
- 6. Zellmer, W. / De lege Plautia quae fuit de vi**
- 7. Zijnen, F. P. J. S. / Plutarchi de nonnullis Chrysippi Placitis iudicium**
- 8. Waldfogel, C. / Ueber den platonischen Dialog Der Sophist, oder, vom Sein**
- 9. Waller, W. / Excursus criticus in P. Papinii Statii Silvas**
- 10. Wallinder, J. / De statu Plebejorum Romanorum ante primam in ...**

Reel Contents (2)

- 1. Wallrafen, W. A. / Die Einrichtung und kommunale Entwicklung der ...**
- 2. Walther, E. / De dativi instrumentalis usu Homeric**
- 3. Walter, F. / Studien zu Tacitus und Curtius**
- 4. Widmann, H. / De Gaio Vettio Aquilino Iuliano carminis ...**
- 5. Werner, J. / Quaestiones Babrianae ...**
- 6. Wernicke, J. C. / De Pausaniae Periegetae studiis Herodoteis ...**
- 7. Wessig, H. / De aetate et auctore Philopatri dialogi ...**
- 8. Wetzell, C. / De usu verbi substantivi Tacitino**
- 9. Werder, C. / De platonis parmenide**
- 10. Stamer, A. / Die egkyklios paideia in dem Urteil der griechischen ...**

Reel Contents (3)

- 21. Sexauer, H. / Der Sprachgebrauch des Romanschriftstellers Achilles ...**
- 22. Stamkart, J. A. / Specimen litterarium inaugurale, exhibens ...**
- 23. Seibel, M. / Die Klage um Hektor im letzten Buche der Ilias**
- 24. Siegismund, A. J. / Quaestionum de metathesi graeca**
- 25. Tanzmann, J. J. / De C. Plinii Caecili Secundi vita, ingenio ...**
- 26. Teetz, F. / Beiträge zur Rhythmopoie des Sophokles**
- 27. Siemering, F. O. / Quaestionum Lucretianarum particula I. et II.**
- 28. Numenius / De Numenio philosopho Platonico**
- 29. Theissen, W. / De Sallustii, Livii, Taciti digressionibus**
- 30. Schemann, L. / De legionum per alterum bellum Punicum historia ...**

Reel Contents (4)

- 31. Natorp, P. / Quos auctores in ultimis Belli Peloponnesiaci annis ...
- 32. Olsen, W. / Quaestionum Plautinarum de verbo substantivo ...
- 33. Partsch, J. F. M. / Die Darstellung Europa's in dem geographischen ...

RECOMMENDATIONUM IN SOPHOCLEIS
FABULAS SPECIMEN.

LIBRARY
UNIVERSITY OF
16874

DISSERTATIO INAUGURALIS

QUAM

AUCTORITATE ATQUE CONSENSU

AMPLISSIMI PHILOSOPHORUM ORDINIS

ACADEMIAE LIPSIENSIS

AD SUMMOS IN PHILOSOPHIA HONORES
CAPESSENDOS


SRIPSIT

K. WALTER, FREIENBESSINGENSIS.

ARNSTADTIAE MDCCCLXXVII.

TYPIS EXPRESSIT OFFICINA FROTSCHERIANA.

4084



Provinciam perpetuis acerrimisque certaminibus devastatam denuo infestare videbor, cum de locis aliquot Sophocleis conjecturas novas in medio proponere audeam. Exhaustus enim est fons, qui e vetustissimo codice diligenter excusso redundabat, exhaustus propemodum etiam ille, qui e veterum lexicographorum et scholiastarum doctrina profluebat. Vix locus reperiri posse videtur, qui non sub acerrimum iudicium a viris doctissimis vocatus sit. Quid igitur nobis, qui hac aetate quasi epigoni quidam operam ad poëtam illustrissimum conferimus, relictum est nisi minutiae, quae multis fortasse vel nullius vel non magni pretii esse videbuntur? Qua de re equidem contra iudico. Nam ne has quidem spernendas esse censeo, si aliquid ad pristinum nitorem praeclarissimis carminibus restituendum conferunt. Itaque cum per amplius tres annos numquam Sophoclis fabulis pertractandis et emendandis operam quam maximam navare destiterim, nunc fructus aliquot passim decerptos in medio proponere decrevi.

De corruptelarum generibus, in quibus distinguendis et definiendis critici multi esse solent, plerumque tacere decrevi, cum non multum eo profici putem. Contra de locis exanimandis et aliorum conjecturis interpretationibusque iudicandis copiosius disputandum esse duxi, quod me cum venia virorum doctorum facturum esse spero.

Pauca admodum, quae jam ab aliis inventa esse vidi, denuo commendabo, si res nondum ita pertractata videbatur, ut confecta dici posset. Unam tamen alteramve conjecturam, quam his demum diebus, cum haec disputationiuncula absoluta esset, ab aliis occupatam esse e Electrae

Jahnianae editione secunda comperi, quasi res sit integra, tractare liceat. Hoc autem mihi his locis accidit: El. vs. 199 (Hamacherus) vs. 571 (Weckleinus). Hoc tamen lectores monitos esse velim, partem tantum eorum, quae philosophicae, quae dicitur, facultati proposui, nunc me in lucem prolaturum esse, cum haud paucae conjecturae ab arbitris repudiatae sint, quarum nonnullas Fleckeisenius in annalibus suis cum viris doctis se communicaturum esse mihi pollicitus est. Sed jam ad ipsam rem nos accingamus. Ac primum quidem tales locos tractabimus, in quibus sententiarum nexus turbatus est. Sunt autem ex eo genere nonnulla, quae etiam nunc occulta jaceant, quorum in numero habeo

Oed. Col. vss. 753—757.

ἄρ' ἄθλιον τοῦνειδος, ὃ τάλας ἐγώ,
ὠρείδισ' εἰς σὲ κάμει καὶ τὸ πᾶν γένος;
ἀλλ' οὐ γὰρ ἔστιν τὰμφανῇ κρύπτειν, σὺ νυν
πρὸς θεῶν πατρώων, Οἰδίπους, πεισθεὶς ἐμοὶ
κρύψον, θελήσας ἄστυ καὶ δόμους μολεῖν.

In his verbis sententiam mire claudicare primus Nauckius perspexit. Hoc enim ratiocinandi genus: quoniam ea, quae aperte sunt, occultari nequeunt, tu ea occulta, omni rationi repugnat.

Quod quamquam apertissimum est, tamen Meinekius in appendice critico a. h. l. verba defendit sic explicans: „quamdiu dedecora tua in publica luce versantur, occultare non licet, quare redi in paternam domum, ut in obscuro delitescant.“ Sed longe a veritate aberravit vir doctissimus. Detractis enim verbis superfluis illa interpretatio haec est: Quoniam dedecora tua, dum aperta sunt, occultari nequeunt, tu ea occulta, redeundo in patriam. Jam quaeritur, quo sensu prius illud κρύπτειν intelligendum sit. Apparet autem illud ab altero κρύψον differre non posse, utrumque igitur idem esse atque καλύπτειν, ἁμφοκαλύπτειν (operire). Sententia ergo ex iudicio Meinekii haec est: quoniam dedecora tua, dum in luce sunt, operiri nequeunt, tu ea operi.

Sed primum mira est sententia: dum in aperto dedecora tua sunt, operiri nequeunt, quod idem est atque hoc: Dum dedecora tua non operata sunt, operiri nequeunt. Quando igitur occultari possunt? An si dedecora illa non in publica luce versantur? At tum profecto ea jam occulta esse necesse est. Ergo omnino nunquam occultari possunt. Praeclaram sane et Sophocle dignissimam sententiam sic habemus! Omnino autem illa vocis *τὰ μυστὰ* explicatio „dedecora tua, dum in publica luce versantur“, prorsus arbitraria est. *τὰ μυστὰ* enim nihil aliud esse potest quam res apertae, sive quaecunque aperta sunt. Negat ergo Creon ea, quae in aperto sint, abscondi posse.

At si aperta abscondi nequeunt, quid tum, quaeso, abscondi potest? An ea, quae non aperta, quae occulta sunt? Nihil ergo omnino abscondi potest. Nam aperta occultari non posse Sophocles, homo dignus, cui fidem habeamus, affirmat, occulta autem is tantum occultabit, qui interdiu nihil nisi lucerna incensa cernere sibi videtur. Sed quis nescit, permulta, quae nunc in publica luce versantur, mox occultari posse? Ergo Sophoclem errasse credemus? Sed quo pacto tum paucis versibus post Creon Oedipum occultare aperta, quae modo occultari posse negavit, jubere potest? Perversissima igitur est sententia, quae et vitae usui repugnat et ab ipso poeta exploditur.

Meinekius nimirum ceterique, ut opinor, interpretes prius illud *κρύπτειν* alio quam alterum *κρύψον*, sensu, celandi scilicet, dictum acceperunt, ut haec sententia evadat: quoniam aperta occultari (celari) nequeunt, tu ea occulta, h. e. effice, ut non amplius aperta sint, ut tandem in obscuro delitescant. Sed ut jam supra monui, Sophocles in hoc sententiarum nexu: quoniam aperta occultari nequeunt, tu ea occulta eandem vocem non diverso sensu et ita quidem usurpare potuit, ut lectores in errores gravissimos incidere necesse sit, neque, si *τὰ μυστὰ* aperta universe intelligenda sunt, ut supra demonstravi, Oedipus haec occultare juberi potest, sed tantum sua flagitia. Ergo dicendum certe erat: quoniam aperta occultari nequeunt, tu flagitia tua absconde.

Triplici igitur vitio sententia illa laborat, quod tamen prompta medela amoveri posse puto. Nam *κρύψον* manifesto propter praecedens *κρύπτειν* a librario illatum est. Genuinam autem scripturam esse putó:

στέρξον (füge dich).

Nihil praeterea mutandum esse judico nisi interpunctionem. Nam sententiae cursus nunc quoque claudicat: *κρύπτειν* enim hic esse non posse *ἀφανίζειν* supra demonstravi. Si autem de celandis rebus interpretamur: quoniam ea, quae aperta sunt, celari nequeunt, tum habemus sententiam per se bonam, sed talem, quae ad Oedipi animum percellendum ne minimum quidem valere possit: Sed quoniam aperta celari non possunt, morem nobis gere et domum redi. Quid multa? Planissima omnia sunt si post *κρύπτειν* plena interpunctione posita sententiam ad praecedentia adnectimus. Creon conficto maerore se ipse castigaverat, quod tam turpia in Oedipum et se et totam gentem expromsisset. Haec convicia excusans, at enim, inquit, quae aperta sunt, ea celari nequeunt — ergo ne mihi quidem nefas duci potest, quod de iis aperte loquar.

Illa enim formula: *ἀλλ' οὐ γὰρ* non minus frequenter ad sequentia quam ad praecedentia adnectit sententiam, cujus usus unum exemplum opponere satis erit. Trach. vs. 552 Deianira ab increpando Hercule his verbis se avocat:

*ἀλλ' οὐ γὰρ ὥσπερ εἶπον, ὀργαίνειν καλὸν γυναῖκα
νοῦν ἔχουσιν,*

quo dicto ad novam rem transit:

ἧ δ' ἔχω, φίλαι

λυτήριον λύπημα, τῇδ' ἔμιν φράσω.

Noster igitur locus sic constituendus est:

ἄρ' ἄθλιον τοῦνιδος, ὃ τάλας ἐγώ,

ὠνείδις' εἰς σέ καμὲ καὶ τὸ πᾶν γένος;

ἀλλ' οὐ γὰρ ἔστιν ἀμφωγῇ κρύπτειν' οὐ νυν

πρὸς θεῶν πατρώων, Οἰδίπους, πεισθῆεις ἔμοι

στέρξον, θελήσας ἄστυ καὶ δόμους μολεῖν κ. τ. λ.

Phil. vss. 667 — 673.

θάρσει, παρέσται ταῦτά σοι καὶ θιγγάνειν

καὶ δόντι δοῦναι κάζεπεύξασθαι βροτῶν

ἀρετῆς ἕκατι τῶνδ' ἐπύραυσαι μόνον
 εὐεργετῶν γὰρ καὐτὸς αὐτ' ἐκτησάμην·
 οὐκ ἄχθομαι σ' ἰδὼν τε καὶ λαβὼν φίλον·
 ὅστις γὰρ εὖ δοᾷν εὖ παθὼν ἐπίσταται,
 παντὸς γένοιτ' ἂν κτήματος κρείσσων φίλος·

En locum, in quo vel explicando vel emendendo viri doctissimi laboraverunt, quae omnia vix referre, nedum exanimare possum. Equidem ad sententiarum nexum justum restituendum pro οὐκ ἄχθομαι scribendum puto οὐδ' ἄχθομαι, a praecedentibus et sequentibus commate disjunctum, deinde οὐ παθὼν ex Doederleinii certa conjectura et στόματι δοῦναι de Musgravii sententia, denique verba εὐεργετῶν — ἐκτησάμην virgulis includenda esse.

Jam nihil relictum esse spero, quod offendere possit. οὐδ' ἄχθομαι enim ad praecedentia relatum idem fere est quod οὐδὲ φθονῶ, nempe te unum mortalium gloriari, quod arcum sanctum manibus tenueris. Qua enim reverentia ac religione arcum paene divinum colebat, id, quod hic Neoptolemo concedebat propter eximia de se merita, imprimis illud ἐξεπεύξασθαι ceteris hominibus invidisse putandus est. Conf. Seyff. a. h. l. Neque minus sequentia ad utriusque condicionem quadrant. Nam amicitiam cum Neoptolemo initam Philoctetes plurimi aestimare debebat eo nomine, quod ille bene ei fecerat, quamvis nihil boni ante accepisset.

Phil. vss. 961 seq.

ὅλοιο — μήπω, πρὶν μάθοιμ' εἰ καὶ πάλιν;
 γνώμην μετοίσεις· εἰ δὲ μή, θάνοις κακῶς.

Kaì falsum esse jam pridem animadversum est. cf. Cavallin a. h. l. Rectum esset, si non πάλιν γνώμην μετοίσεις sequeretur, sed tale quid: εἰ (καὶ) καρτερόσεις ἐν τῇ γνώμῃ. Sed num conjecturis a critices propositis (μάθοιμ' σ' εἰ πάλιν et similia temptata sunt), omnis offensio tollatur, vehementer dubito.

Nam si Philoctetes dicit: non prius perniciem tibi imprecabor, quam-videro, idem fere est ac si dicat: perniciem tum demum tibi imprecabor, cum-videro. Jam li-

quet, sequi non posse: num consilium non mutaturus, sed in mente tua perstaturus sis. Nam ubi illud acciderit, quod verbis *εἰ πάλιν γνώμην μετοίσεις* inest, non jam ex-crationem dictam esse Philoctetes vult.

Necessario igitur negative illa sententia *εἰ πάλιν γνώμην μετοίσεις* efferenda erat, quod assequimur scribendo: *εἰ μὴ πάλιν γνώμην μετοίσεις*.

Neque sequens *εἰ δὲ μὴ* cuiquam qui Graecae linguae scientia vel mediocriter imbutus est, offensionem habere potest. Post *MEI MH* facillime excidere poterat, quo facto syllabae defectum librarii more suo correxerunt.

II.

Nunc videamus de iis locis, qui aliquid continent, quod cum veritate, sive ea, quae mente atque animo percipitur, sive ea, quae memoria confirmatur, pugnet.

El. vs. 913. seq.

*ἀλλ' οὐδὲ μὲν δὴ μητρὸς οὐθ' ὁ νοῦς φιλεῖ
τοιαῦτα πράσσειν οὔτε δρῶσ' ἐλάνθανεν.*

Hos duos versus ejiciendos esse duco. Sunt enim non modo supervacanei, sed etiam aliis gravibus suspicionibus obnoxii. Tribus ante versibus sibi tantum et Electrae illas libationes consentaneas esse dixerat:

τῷ γὰρ προσήκει πλὴν γ' ἔμοῦ καὶ σοῦ τόδε.

Si ita se res habebat, quid attinebat dicere, tale quid a matre alienum esse, quod tam per se perspicuum erat, ut nemini in mentem venire posset?

Ipsa quoque versuum forma interpolatorem prodit, cum neque satis apte aut apto loco adnexi sint, neque ita eleganter dicta. Sophocles, credo, si tale quid dicere voluisset, statim post verba: *τῷ γὰρ προσήκει πλὴν γ' ἔμοῦ καὶ σοῦ τόδε*; addidisset sic fere adnexus: *οὐ γὰρ*. Ubi nunc collocatum est, orationem turbat. Nam post *τῷ γὰρ προσήκει πλὴν γ' ἔμοῦ καὶ σοῦ τόδε*, quibus Clytaemnestra aperte excluditur, nec se nec Electram illud fecisse disse-rit. Ineptissimo igitur loco nunc rursus Chrysothemis a matre tale quid alienum esse dicit. Neque ἀλλὰ particu-

iam hic aptam esse senties, si totum locum perleges. Deinde subabsurdum est illud ὁ τῆς μητρὸς νοῦς φιλεῖ τοιαῦτα πράσσειν mens (Gesinnung) matris non amat talia facere, nempe talia ἐπιτύμβια in sepulcrum occisi. Aga memnonis ferre. Neque οὐ φιλεῖ aptum est; sive vertis „sie liebt es nicht“, sive „sie pflegt nicht“.

Accedit alia atque ea gravissima offensio, quae in ipsa re posita est. His enim verbis Chrysothemim cavere apparet ne quis de matre tamquam illarum libationum auctore cogitet. Sed quo pacto talem suspicionem omnino concipi posse putat, cum ipsa a matre ad sepulcrum missa sit, ut id faciat, quod nunc tantum propter mentem matris et quod tum eam conspici necesse fuerit, illam facere non potuisse dicit? Qua igitur causa et quo tempore matrem ipsam illas libationes occiso marito offerre potuisse credit? Si ipsa mater obtulisset, tunc profecto non Chrysothemim misisset. Hujus nimirum interpolator oblivisci poterat, Chrysothemim aut poetam ipsum potuisse nego.

III.

Quam multa e fabulis Sophocleis jure ejecta sint, quia langueant, notum omnibus est. Nonnunquam tamen leni mutatione sententia ita expoliri potest, ut nulla justa suspicionis causa restet.

Oed Col vss. 583 seq.

τὰ λóισθι' αἰτεῖ τοῦ βίου τὰ δ' ἐν μέσῳ
ἢ λῆστιν ἴσχεις ἢ δι' οὐδενὸς ποιεῖ.

Verum est et perspicuum, aut oblivisci Oedipum aut nihili facere ea, quae usque ad mortem intercedant, quippe qui nihil nisi extrema petat. Sed ob hanc ipsam causam, quia sententia per se perspicua est, eadem satis frigida est. Nam neque reprehensio neque admiratio, quae tam conveniens naturae humanae foret, adsignificatur, sed Theseus nude asseverat, sic se rem habere. Multo tolerabilior fieret sententia, si ὥς ἔοικεν vel tale quid additum esset. Illi tamen offensioni facillima ratione subveniri potest, interpunctione et accentu in hunc modum correcto:

τὰ δ' ἐν μέσῳ

ἢ λῆσιν ἴσχεις; ἢ δι' οὐδενὸς ποιεῖ;

Sequens γὰρ ad verba: τὰ λοιπὰ αἰτεῖ τοῦ βίου assumpta ex sequentibus notione contemptationis ceterarum rerum pertinet. Conf. Phil. vss. 1279 seqq., ubi γὰρ tantummodo ad verba εἰ δὲ μὴ τι πρὸς καιρὸν λέγω referri possunt. Similiter El. vss. 312 verba ἢ κάρτα ad alteram modo quaestionis duplicatae partem spectant. ἢ saepe postponitur, velut in hac ipsa fabula vs. 26:

ἀλλ' ὅστις ὁ τόπος ἢ μάθω μοιοῦσά ποι;

cujus rei causa perspicua est. De ἢ—ἢ vide O. R. 993:

ἢ ῥητόν; ἢ οὐ θεμιστόν ἄλλον εἰδέναι;

Phil. vss. 942—946.

προσθεῖς τε χεῖρα δεξιάν, τὰ τὸζα μου
ἱερὰ λαβὼν τοῦ Ζηνὸς Ἡρακλέους ἔχει

καὶ τοῖσιν Ἀργείοισιν φήρασθαι θέλει.

ὥς ἄνδρ' ἐλὼν μ' ἰσχυρόν ἐκ βίας μ' ἄγει,

κοῦκ οἶδ' ἐναίρων νεκρόν ἢ καπνοῦ σκιάν.

Ut nunc hi vss. scripti sunt, verba: καὶ τοῖσιν Ἀργείοισιν φήρασθαι θέλει, cum φήρασθαι et propter sensum et constantem linguae usum absolute dictum esse nequeat, arcte cum praecedentibus conectenda sunt, ut ad φήρασθαι τὸζα suppleendum sit, quod num aptum habeat sensum vehementer dubito: sanctum Herculis arcum habet et Argivis ostendere vult.

Sane arcum Argivis etiam demonstraturus est. Sed quid in ea re acerbum inest, ut Philoctetes hic, ubi tota oratio plena doloris, moestitiae, indignationis est, hoc potissimum commemoret? An Argivi arcum non jam in primo itinere viderant? Hoc sensit Nauckius, cum ad φήρασθαι ἐμὲ καὶ τὰ τὸζα subcogitandum esse dicat, in qua opinione tamen manifesto erravit, cum unde illud ἐμὲ sumendum sit ipse indicare non potuerit. Hoc tamen apertum est illud καὶ τοῖσιν Ἀργείοισιν φήρασθαι θέλει multo aptius ad Philoctetam captivum Trojam rapiendum ibique Argivis ostendendum quadrare.

Accedit, quod etiam verba: κοῦκ οἶδ' ἐναίρων νεκρόν

ut illa vanae ostentationis Philoctetae praecesserit commemoratio flagitant. Tertium est, quod nunc medium φήνασθαι (φήρασθαι τὰ τόξα) vix explicari potest, cum φαίνειν transitivo sensu semper activi forma usurpatum sit.

Itaque sic locum refigendum esse existimo :

προσθεῖς τε χεῖρα δεξιάν, τὰ τόξα μου
 ἱερὰ λαβὼν τοῦ Ζηρός Ἡρακλέους ἔχει
 καὶ τοῖσιν Ἀργείοισιν φήρασθαι θέλει
 ὅρ' ἄνδρ' ἐλὼν μ' ἰσχυρὸν ἐκ βίας τ' ἄγων,
 κοῦκ οἶδ' ἐναιρῶν νεκρὸν ἢ καπνοῦ σκιάν,
 εἶδωλον ἄλλως·

qua emendatione omnes illas offensiones remotas esse duco. De φαίνεσθαι cum participio conjuncto conf. vs. 164 σὺ τοῖς ἑμοῖς ὄπλοις κοσμηθεὶς ἐν Ἀργείοις φανεῖ; et alia exempla apud Ellendtium. —

IV.

Nonnunquam corruptelae eo coarguuntur, quod verba a personae mente aliena esse patet.

Oed. R. vss. 895 sq.

εἰ γὰρ αἱ τοιαῖδε πράξεις τίμιαί,
 τί δέτ με χορεύειν;

Nauckio de veritate hujus scripturae dubitanti assentior, quàmquam non omnes profert suspicionis causas, quas poterat. Miror autem, eum e codicis optimi scriptura χορεύειν πονεῖν ἢ τοῖς θεοῖς recte collegisse diversam in his verbis latere scripturam, et tamen in miram hario-lationem incidisse. Quis enim ex illis hanc novam a Nauckio excogitatam scripturam ποῖ δέτ μ' ἐτι λεύσσειν elici posse credet?

Duae igitur lectiones agnoscendae sunt, τί δέτ με χορεύειν et τί δέτ με πονεῖν θεοῖς, de quibus quid statuendum sit videamus. Jam si quaerimus, utra fide sit dignior, apparere puto, χορεύειν multo magis redolere glossatorem quam alterum πονεῖν θεοῖς. Voce enim χορεύειν explicare aliquis potuit πονεῖν θεοῖς, sed non hoc πονεῖν θεοῖς il-

lud χορεύειν. Sed habet vulgata lectio, quo nos per se spectata offendere debeat.

Atque Wolffius quidem interpretatione perobscura χορεύειν de festis diebus in deorum honorem celebrandis explicat. Sed χορεύειν non est festos dies celebrare, sed saltare. Chorus igitur minatur se non amplius in deorum honorem saltaturum esse. Quid? Senes constantes ac graves festis diebus ipsos in choris saltare solitos esse putabimus? Neque enim sufficit ad lectionem defendendam, si quis hoc aliquando factum esse demonstret. Nam ejus modi est locus, ut senes illas saltationes tamquam morem solemnem atque usitatum commemorent. Hoc vero fieri solitum esse nusquam legi et per se parum credibile est. Deinde mira est haec chori mina. Nam cum chorum regis uxorisque impietatem aegre ferentem, si haec diis laudabilis videatur, de deorum justitia et honestate desperare appareat, nonne eum omnem deorum cultum omnemque religionem esse detrectaturum expectamus? Nonne igitur ridiculum est, quod tam vehementer commotus, quasi atrox aliquid prolaturus exorsus, se non amplius saltaturum esse minatur, quod omnino eum diis praestitisse parum verisimile est?

Neque minoribus difficultatibus obstricti sumus, si χορεύειν de saltationibus quibuslibet interpretamur. Recte enim Nauckius hanc deorum iniquitatem, qua et boni et mali eodem loco habeantur, efficere non posse dicit, ut saltare chorum taedeat. Deinde nihil aliud chorum tunc dicere apparet, quam hoc, se de omni gaudio omnibusque hujus vitae deliciis desperare. Nonne igitur hoc quoque ridiculum est, quod chorus e senibus constans saltationes commemorat, cum vitam tristem et omnibus deliciis orbatam describere velit? Tertium est, quod propter sententiarum nexum haec ratio ferri nequit. Nam sequentibus verbis de detractando deorum cultu chorus loquitur. Tale quid igitur etiam verbis τί δέλ με χορεύειν contineatur necesse est.

Utcunque igitur vulgatam lectionem interpretaberis, summis semper difficultatibus obstrictus haerebis. Quarendum igitur est, num altera lectio τί δέλ με πορεύειν θεοίς

aptius sit. *πονεῖν* cum dativo saepe usurpatum est sensu in utilitatem alicujus laborandi. Nostrum *πονεῖν θεοῖς* igitur est: im Dienste der Götter sich abmühen, quo sensu eandem formulam, ni memoria fallor, apud Euripidem legi. Sed etiam sine exemplo nemo negabit, *πονεῖν θεοῖς* apte dictum esse. Quid attinet, inquit chorus, deorum gratiam laborioso studio sibi conciliare, si dii impium et pium nullo discrimine facto eodem loco habent? Nunquam ego praeclara deorum oracula adibo, si haec non omnibus hominibus digito quasi monstrata evenient. Sic demum sententiam et Sophocle dignam et ad chori mentem aptam habemus.

El. vs. 571.

*καὶ τοῦδε μῆρισασα Αἰγυπία κόρη
κατεῖχ' Ἀχαιούς, ὥς πατὴρ ἀντίσταθμον
τοῦ θηρὸς ἐκθύσειε τὴν αὐτοῦ κόρην.*

Nemo adhuc offendit in particula *ὥς*. At insulsi nescio quid habet haec loquendi forma: cohibebat dea ventos, ut pater filiam suam mactaret. Sic enim venti a dea cohibiti esse eo consilio dicuntur, ut caedem Iphigeniae impetraret. Quod etsi ad illam immanitatem, quae illi deae nonnunquam tribuitur, referendum esse videri possit, tamen huic rationi totius loci nexus repugnat. Nam cum usque eo demonstrare voluerit. Electra, qua Agamemnonis culpa incensa dea hoc piaculum postulaverit, sic duae rationes dissimiles confunderentur, si extemplo immanitas deae culparetur. Apertum igitur est non *ὥς* sed *ἕως*, quod per synicesin legendum sit, requiri. Hoc *ἕως*, quod Sophocli pluribus locis restitutum est, ubique in *ὥς* abiit, ut adeo mirum foret, si hoc uno loco genuina scriptura servata esset. Vix igitur *ἕως* scribendo verba mutamus, sed tantum pravam scripturam corrigimus. Quapropter in constituendo contextu eandem nobis hic libertatem sumere possumus, qua uti solemus, si duas scripturas habemus pari auctoritate confirmatas. Illud autem *ἕως* ad sensum esse longe accommodatius supra demonstravimus, ut, utrum sit praeferendum, dubium esse nequeat.

ἕως restituto simul hoc consequimur, ut Agamemnoni imposita necessitas multo luculentius appareat, si non prius Graecis solvendi potestatem factam esse scimus, quam Iphigeniam mactarent.

Aj. v. 1020.

τοιαῦτ' ἀνὴρ δύσσοργος, ἐν γῆρα βαρὺς,
ἔρει, πρὸς οὐδὲν εἰς ἔριν θυμούμενος.
τέλος δ' ἀπωστὸς γῆς ἀπορριφθήσομαι,
δοῦλος λόγοισιν ἀντ' ἐλευθέρου φανείς.

Esse etiam nunc, qui tale quid Sophoclem scribere potuisse credant, paene prodigii simile est. Verba enim illa nihil aliud dicunt quam hoc, Teucrum metuere, ne a patre e patria ejiciatur, servus appellatus, qui metus et per se spectatus ridiculus est et sententiarum nexu etiam magis ridendus evadit.

Praeterea sic ἀντ' ἐλευθέρου inutile additamentum est : Quamquam enim tragicos poetas tales oppositiones amasse constat, tamen non ubivis pariter apte iis uti poterant. Nam ut in illo Alexidis fragmento : *δοῦλοι ζῶμεν ἀντ' ἐλευθέρων*, hoc ἀντ' ἐλευθέρων eum statum significat, in quo ante fuerant vel quem suo jure sibi vindicare se posse credebant, sic omnino id tantum tali oppositione addi potest, quod aut ante re vera fuerat aut certe fieri exspectari potest. Nostro vero loco ἀντ' ἐλευθέρου prorsus inutile est, quod senties, si sic locum dissolvas; *πρόσθε μὲν ἐλεύθερος λόγοις ἐφάνη, νῦν δὲ δοῦλος φανήσομαι*. Nam illud fieri solitum esse nego, ut liber nominatim appellaretur. Deinde *λόγοις φανείς* haut apte dictum est pro *ὀνειδισθείς*. *φαίνειν* enim habet vim coarguendi, aperiendi, quo sensu apte hic diceretur, si *λόγοις* deesset. Eaedem offensiones etiam in eam explicationem cadunt, si quis hominum sermones illos *λόγους* intelligere velit, quae tamen interpretatio ipso sententiae conexu refutatur, cum hic de iis injuriis, quas sibi a patre illatum iri credit, sermo sit.

Petendam igitur esse e conjectura medelam certum est. Displacent tamen quae adhuc proposita sunt, primum illud Seifferti *γορεῦσι*, quod languet. Neque enim apparet, cur

parentibus potissimum servum se praestiterit (*φανείς* nunc est deprehensus, erwiesen). Nec satis facit, quod Nauckius excogitavit *τρόποισι*, cum hoc, quia moribus me servum praestiti, non satis grave sit, nedum in Teucro, qui servus erat quodammodo etiam origine, utpote e serva natus (conf. vss. 1259—1261: *οὐ μαθὼν ὅς εἰ φύσιν ἄλλον τιν' ἄξεις ἄνδρα δεῦρ' ἐλεύθερον;*) Non igitur hoc eum dicere oportet: ejiciat e patria, quod indole servili me praestiti, sed hoc: quod me praestiti servum, scil. totum et natu et indole.

Itaque traditam scripturam *δοῦλος λόγοισι* ortam esse puto ex hac: *ἐργοισι δοῦλος*, postquam vocabula *δοῦλος* et *ἐργοισι* sedem mutaverunt.

V.

Saepe ipsa loquendi forma aliquid vitii verbis inesse demonstrat. Nam si enuntiatum aliquod legitimam respondendi formam habet et tamen interrogatio non praecessit, vel si ratio ea, quae in responsionibus valere solet, sine causa violata est, jure locum de corruptela suspectum habere et possumus et debemus. Alia id genus corruptelarum indicia nunc, quia ad singulos locos exponenda erunt, praetermitto.

Aj. vss. 870. seqq.

ἰδοὺ ἰδοὺ,

δοῦπον αὖ κλύω τίνα.

HMIXOPION B

ἡμῶν γε ναὸς κοινόπλουν ὁμιλῶν

Wolffius acute perspexit, vs. 872 eam prae se ferre formam, ut responderi ad interrogationem videatur. Quam ob rem accentu mutato *δοῦπον αὖ κλύω τίνα*; scribi jubet. At quis hanc interrogationis formam haud elegantem esse negabit? (Ich hoere wieder ein Gespräch, welches?) Illam igitur interpunctionem, quae post *κλύω* interposita est, claudicantem efficere orationem apparet. Sed animum non attendit vir sagacissimus in particulam *αὖ*, quae quo referenda sit, neque ego scio neque editorum quisquam indicavit. Est enim aut iterum audio, aut rursus (hingegen)

audio Utrumque hic pariter ineptum esse nemo non sentiet, qui totius loci conexum consideraverit. Quapropter quin pro αὐ οὐ, signo interrogandi in fine versus posito restituendum sit, nullus dubito. αὐ et οὐ nonnunquam inter se permutata sunt, ut etiam Oe. R. 430 Wolffius recte οὐκ εἰς ὄλεθρον; οὐχὶ θάσσον αὐ πάλιν ἄπορρος οἰκων τῶνδ' ἀποστραφεῖς ἄπει pro οὐκ εἰς ὄλεθρον; οὐχὶ θάσσον; οὐ πάλιν κ. τ. ε. conjicere videtur. Oed. C. 587 editiones sic locum scriptum exhibent:

ὄρα γε μὴν οὐ μικρὸς οὖν ἄγων ὅδε,
in quo οὖν ineptum esse puto. Itaque cum L. A. οὐκ habuisse videatur, non temerarium videbitur, si illo οὐκ nisi aptiorem lectionem eruere studeamus. Itaque sic locum emendandum esse censeo:

ὄρα γε μὴν σύ, μικρὸς οὐκ ἄγων ὅδε.

Phil. vss. 639—642.

οὐκοῦν ἐπειδὴν πνεῦμα τοῦκ προῶρας ἀνῆ,
τότε στελοῦμεν; νῦν γὰρ ἀντιοστατεῖ.

ΦΙΛΟΚΤΗΤΗΣ

αἰὲ καλὸς πλοῦς ἔσθ' ὅταν φεύγῃς κακά.

ΝΕΟΠΤΟΛΕΜΟΣ

οὐκ' ἀλλὰ κακείνοισι ταῦτ' ἐναντία.

Pro ταῦτ' ἐναντία accentu mutato ταῦτ' ἐναντία scribendum esse puto. Primum enim, cum praecedant haec verba: αἰὲ καλὸς πλοῦς ἔσθ' ὅταν φεύγῃς κακά, ταῦτα in sequenti versu vix aliorum referri potest, quam ad κακά, quod omni sensu caret. Perspicuum enim est, illa κακά esse injurias, quae ab Argivis utrique metuendae sint, haec autem non Argivis ipsis obstare posse. Sed apertum est, illa, quae et Argivis et sibi pariter adversari Neoptolemus dicit, ventum esse adversum. Quod si ταῦτα ad vs. 640 refertur, hoc molestissimum est, quod Philoctetes difficultate illa νῦν γὰρ ἀντιοστατεῖ πνεῦμα vel omissa vel concessa longe aliam sententiam: semper commodam esse navigationem—si mala effugerentur, interposuerat, ita ut Neoptolemus non jam sua verba νῦν γὰρ ἀντιοστατεῖ sic spectare posset, ut Philoctetae responsionem contemneret.

Hae offensiones tolluntur, si ταῦτ' ἐναντία scribimus: At illis quoque eadem obstant. Pro οὐκ ἀλλὰ, quod absurdum esse constat ἀλλ' οὐχί restituendum esse existimo, quod jam O. Heinius conjecit. De ceteris conjecturis vide Cavallinum, qui ipse de Meinekii sententia οὐκ ἄρα scribit, quod falsum est, sive ἄρα „ergo“ interpretaris, sive pro particula interrogativa habes.

Phil. vs. 453.

ἐγὼ μὲν, ὃ γενεθλον Οἰταίου πατρός,
τὸ λοιπὸν ἦδη τηλόθεν τό τ' Ἴλιον
καὶ τοὺς Ἀτρεΐδας εἰσορᾶν φυλάξομαι
ὅπου θ' ὁ χεῖρων τάγαθοῦ μεῖζον σθένει
κάποφθίνει τὰ χρηστὰ χῶ δειλὸς κρατεῖ,
τούτους ἐγὼ τοὺς ἄνδρας οὐ στέρξω ποτέ.

Sic LA versum 456 scriptum exhibet, supra litteram θ superscripto γ, quod Cavallinus retinuit, cum plerique editores θ vel γ in δ mutaverint. Si enim ὅπου δέ scribitur, sententiarum nexus incommodus est, cum nihil proferat Neoptolemus, quod praecedentibus opponi possit. Immo talis est sententiarum inter se ratio, ut non δὲ sed γὰρ requiratur, quippe etiam Troja talis est locus, ubi pessimus quisque optimis plus valeat, ob eamque ipsam causam a Neoptolemo reformidari fingitur. Si autem ex Cavallini sententia γέ retinemus, omnia recte se habent praeter vs. 458. Nam cum ὅπου γε nunc ad Trojam pertineat, ubi pessimus quisque plurimum possit, homines autem frugi nihili sint et pereant, jam misere claudicant, quae adduntur: τούτους ἐγὼ τοὺς ἄνδρας οὐ στέρξω ποτέ.

Librarii nimirum, ut saepe, sententiam explanare et amplificare sibi videbantur tali panno assuto. Spurium esse versum vel ex ipsis verbis satis elucet. Nam τούτους τοὺς ἄνδρας non habet, ad quod commode referri possit. Mirum est profecto hoc: ubi pessimi plurimi sunt, boni autem pereunt, eos homines nunquam diligam. Hoc enim „ubi boni pereunt“ non ad homines ipsos sed ad civitates vel regiones, ut Trojana castra, illud ὅπου pertinere ostendit. Sententia omnino sic mire languet. Dicit enim

Neoptolemus, se istos viros numquam dilecturum esse, quasi non etiam despecturus et odio persecuturus sit Argivos.

El. vss. 197 — 200.

*Ἔρος ἦν ὁ φράσας, δόλος ὁ κτείνας
δεινὰν δεινῶς προφντεύσαντες
μορφάν, εἴτ' οὖν θεὸς εἶτε βροτῶν
ἦν ὁ ταῦτα πράσσων.*

Suspecta mihi sunt verba *προφντεύσαντες μορφάν*. Nam ut nunc verba se habent, sequentium commodam rationem non video. Sed audiamus interpretes.

Atque Schneidewinus quidem chorum putat Aegisthum et Clytaemnestram nominare non ausum esse. At cur illud eo modo evitat, ut vel deos facinoris foedi machinatores esse posse dicat? Cur nihil interesse hominesne fecerint an adeo dii dicit? Mire hoc dictum est, si ipsos auctores nominare veritus nihil nisi eosdem tecte perstringere vult. Sed noluit Schneidewinus exponere, cur tandem choro, ne illos nominet, cavendum sit, et, ni fallor, omnino non potuit. Si enim chorus vs. 124 Agamemnonem *ἀθρώτατα* et *κακῇ χειρὶ πρόδοτον* occisam dicit, si Clytaemnestram paene nominatim *δολερὰν μητέρα* appellat, si deinde ei, qui haec machinatus sit, adeo perniciem imprecari audet, nonne vehementer mirandum est, quod nunc ne talem quidem sententiam paene modestam palam profiteri audet? Mira denique foret chori sagacitas, si sic poenam effugere se posse crederet, si tantum de nominibus taceret.

Nauckius vero, illa explicatione repudiata, dicit, illud facinus choro tam nefarium visum esse, ut dubitaret, utrum homo solus patrare potuerit, an non potius dei alicujus vis ac potestas in eo agnoscenda esset. Huic tamen interpretationi totius sententiae forma vehementer refragatur. Nam *εἶτε* — *εἶτε* nihil differe indicat, utrum hoc an illud verum sit, cum ex sententia Nauckii chori multum referre debuerit utrum verum sit.

In eadem difficultate etiam Wexium haesisse video, qui de nostro loco haec disserit: Sed quid tum (si *μορφή*

est species foeda regis mactati) est εἴτ' οὖν θεὸς εἴτε βροτῶν ἦν ὁ ταῦτα πράσσων? Nimirum, quis caedem patrauerit, per se clarum est! Incredibilia tamen comminiscitur, cum μορφήν sceleris formam, i. e. cogitationem, ut ipse interpretatur, esse vult. Neque ea explicatione verborum difficultas tolleretur, etiamsi ferri posset.

Illo igitur εἴτ' οὖν θεὸς εἴτε βροτῶν ἦν ὁ ταῦτα πράσσων nihil sua referre dicit chorus, utrum homo an adeo deus facinus patrauerit. Haec autem sententia sic tantum sensum habet, si talis sententia praecessit, ut etiam interesse potuerit. Atqui verba tradita ejusmodi sunt, ut nihil referre possit. Ergo aliquid in iis falsum esse necesse est. Itaque, ut in Euripideo loco Heracl. vss. 148 — 150 praeco jam eo desperationis Heraclidas pervenisse dicit, ut salutem et perniciem juxta aestiment (εἴτ' οὖν εἴτε μὴ γενήσεται, scilicet ut a Theseo serventur) sic nostro loco chorus eo indignationis progressum esse existimo, ut id, quod antea dixerat, nobili libertate indictum esse nolit, εἴτ' οὖν θεὸς εἴτε βροτῶν ἦν ὁ ταῦτα πράσσων. Jam vero liquet, chorus necesse esse enunciato praecedenti severum judicium de scelere illo fecisse, quod ne tum quidem indictum velit, si deus rem machinatus sit. Hanc vituperandi vim non voci δεινῶς inesse apparet. Nam hoc „schrecklich“ non eam habet vim, ut ad id tale enunciatum referri possit. Itaque praecedentem sententiam ita emendandam esse apertum est, ut vituperandi notio summam totius enunciati vim contineat. Una autem litterula mutata talis sententia mihi videtur restitui posse. Suspicio enim pro μορφάν restituendum esse μομφάν, quae vox eadem corruptela Eur. Alc. vs. 1009 foedata est.

Dicit nunc chorus, quisquis illud facinus machinatus sit, sive deus, sive homo, eum gravissima reprehensione absolvi non posse. προφντεύω autem hic non antea gignere esse puto, quae significatio inepta est, sive μορφάν, sive μομφάν scribis, sed praepositionem πρὸ eandem vim, quam in προφαίνω (patefacere) et latino procreare habere existimo.

Ant. vss. 1068 seqq.

ἀνθ' ὧν ἔχεις μὲν τῶν ἄνω βαλὼν κάτω
 ψυχὴν τ' ἀτίμως ἐν τάφῳ κατοικίσας,
 ἔχεις δὲ τῶν κάτωθεν ἐνθάδ' αὖ θεῶν
 ἄμοιρον ἀκτέριστον ἀνόσιον νέκυν.

Sic versus scriptos codices habent. Dubitatum est a multis de scriptura versus secundi. Mihi quidem, quamquam quod traditum est, fortasse defendi potest, tamen concinnior videtur oratio, si ψυχὴν ἀτίμως ἐν τάφῳ κατοικίσας vel ἀτίμως τ' ἐν τάφῳ κατοικίσας scribatur. Anaphora enim ἔχεις μὲν κάτω βαλὼν, ἔχεις δὲ ἐνθάδ' αὖ justo enunciato ψυχὴν τ' ἀτίμως ἐν τάφῳ κατοικίσας turbatur. Magis tamen dubito de verbis quae sequuntur ἔχεις δὲ τῶν κάτωθεν ἐνθάδ' αὖ θεῶν ἄμοιρον ἀκτέριστον ἀνόσιον νέκυν.

Ac primum quidem de forma totius sententiae videamus. Si tantum haec legeremus: ἀνθ' ὧν ἔχεις μὲν τῶν ἄνω βαλὼν κάτω (scil. τινά), ἔχεις δὲ τῶν κάτωθεν ἐνθάδ' αὖ ἀκτέριστον, ἀνόσιον νέκυν, quis non modo anaphoram ἔχεις μὲν — ἔχεις δὲ, sed etiam quaesitam oppositionem verborum τῶν ἄνω — τῶν κάτωθεν, κάτω — ἐνθάδ' αὖ, ut utrumque membrum prorsus ἐκ παραλλήλου formatum esset, non statim agnosceret? Interpretes vero tantum non omnes, cum sic nudum θεῶν ἄμοιρον molestum videatur, hanc potius verborum constructionem esse volunt: ἔχεις μὲν τῶν ἄνω βαλὼν κάτω, ἔχεις δὲ ἐνθάδε αὖ νέκυν τῶν κάτωθεν θεῶν ἄμοιρον, ἀκτέριστον, ἀνόσιον. Hoc tamen paene aegre fero, qui sic loci eximia venustas pervertitur. Quis enim est quin illam ἐκ παραλλήλου formam hic aptissimam atque arte Sophoclis dignissimam esse videat, cum enunciatorum aequalitas duplicis sceleris aequalitati pulcherrime respondeat?

Deinde molestissimum est, quod sententia aliter verba nos conjungere jubet, atque orationis forma. Nam cum anaphora ἔχεις μὲν — ἔχεις δὲ mens ad illius constructionis aequalis expectationem excitata sit, quin ἔχεις δὲ τῶν κάτωθεν (τινά) ἐνθάδε αὖ conjungamus facere non possumus et sequentibus demum verbis θεῶν ἄμοιρον, ut aliam verborum constructionem circumspeciamus cogimur.

Etiam collocatio verborum ἔχεις τῶν κάτωθεν ἐνθάδε αὖ θεῶν ἄμοιρον incommoda est. Nam cum ἐνθάδε αὖ, utpote oppositione ad ἄνω relatum, summam enunciati vim contineat, κάτωθεν et θεῶν haud venuste divelluntur.

Deinde τῶν κάτωθεν eo loco positum est, ubi oppositionem ad praecedens τῶν ἄνω habere videatur, praesertim cum ἐνθάδε αὖ, quod manifestam oppositionem praese fert, sequatur. Itaque hic ordo unus sensui consentaneus foret: ἔχεις δὲ ἐνθάδε αὖ τῶν κάτωθεν θεῶν ἄμοιρον νέκυν.

Nulla igitur modo haec explicatio ferri potest, ut illa Wexii, qui simpliciter sic verba construit ἔχεις δὲ τῶν κάτωθεν ἐνθάδε αὖ (detines autem rursus hic ex inferis unum) θεῶν ἄμοιρον (deorum immanem) ἀκτέριστον κ. τ. λ., prae illa magnopere placeat. Incommodum tamen est nudum θεῶν ἄμοιρον. Nam deorum inferorum, non omnino deorum Polynices immunis dicendus erat. Eo enim Polynices a ceteris mortuis defferebat, quod illi, cum superiorum deorum expertes sint, tamen inferorum participes sunt, hic autem ne inferorum quidem particeps erat. Itaque ne hoc quidem dici potest, illud ex totius loci ratione posse concludi. Nam cum hoc ipsum gravissimum sit, quod ne deorum quidem inferorum particeps est, hoc poeta ipse dicere debebat, neque audientium vel legentium sagacitati ad divinandum permittere.

Denique etiam θεῶν ἄμοιρον suspectum mihi esse profiteor. Apponere juvat Schneidewini adnotationem: untheilhaftig der untern Götter, denen er angehört. At qui in ea condicione est, ut de eo dicere possim, er gehört mir an, is non mei particeps est, immo vero, ejus sum ego particeps (Graece: τοῦτον ἐμοὶ μέτεστιν, non τοῦτο ἐμοῦ μέτεστιν). Quodsi verum est, quod Schneidewinus dicit, denen er angehörte, ut sane verum est, cum contra rei naturam ac religionem foret dicere „die ihm angehörten“ — ex hac igitur explicatione apparet, deos mortuorum potius, quam mortuos deorum participes dicendos fuisse.

His rebus consideratis jam certum mihi videtur, in verbis aliquid esse vitiosum. Apparet autem, suspectum

maxime esse illud *θεῶν ἄμοιρον*. Nam cetera sunt aptissima:

ἀνθ' ὧν ἔχεις μὲν τῶν ἄνω κάτω βαλὼν

— *ἔχεις δὲ τῶν κάτωθεν ἐνθάδ' αὖ, . . .*

. . . ἀκτέριστον, ἀνόσιον νέκυν.

(tenes autem rursus hic unum ex inferis insepultum, cada-
ver nefandum). Pro *θεῶν* igitur *τάφων* scribendum esse
duco, quod neminem ad praecedentia adnectere posse ex
iis liquebit, quae supra de verbis *τῶν κάτωθεν θεῶν ἄμοι-
ρον* conjunctis exposuimus. *τάφων ἄμοιρον* autem ali-
quantum differt ab *ἀκτέριστον*. Illud enim sepulcrum, hoc
solemnes caeremonias, libationes maxime (*περίσματα*)
significat. His duobus additum est tertium *ἀνόσιον νέκυν*,
quod illa una *ἀνοσιότητος* notione complectens appositio-
nem quandam efficit (ohne Beerdigung, ohne Todtenwei-
hen, einen unheiligen Leichnam). *ἀνόσιον* enim illud cor-
pus est, quia et *τάφω* et *περίσμασιν* caret. Haec ratio
aptissima per se est eoque magis mihi placet, quod *ἀνό-
σιον* per se acceptum, οὐ τῶν ὁσίων *τυχόντα* post *θεῶν
ἄμοιρον* (h. e. sepulcri immunem) et *ἀκτέριστον* valde lau-
guebat. *νέκυν* autem non abundare sed paene necessarium
esse patet, quia nudum *ἀνόσιον* non appositionem formare
potest. *ταφῆς ἄμοιρος* dictum est Aj. 1326 *ταφή* et: *τάφος*
plurali numero usurpantur Aj 1109, O. C. 411, O. R. 942.

Trach. vs. 866.

*ἦχεῖ τις οὐκ ἄσημον, ἀλλὰ δυστυχῇ
κωκυτὸν εἶσω.*

Opposita *ἄσημος* et *δυστυχῆς* jure Nauckium et Blay-
desium male habent. Nam quae non *ἄσημα* sunt, ea non
ideo *δυστυχῇ*, sed *εὐσημα* sunt. Sed cum illi *δυστυχῇ* in
suspicionem vocent, mihi *ἄσημον* potius corruptum vide-
tur. In promptu erat *εὐσημον* corrigere, quod et forma
litterarum a codicum auctoritate proxime abest, et fausti
ominis significatu explicatum sensum aptissimum praebet,
modo persuadere mihi possem illam vim huic voci apud
scriptores antiquiores tribui posse. Alias enim significat
id, quod ad cognoscendum facile est, ominosi vocabuli vim

apud recentiores demum scriptores assumpsisse videtur. Nam hac praeditum εὔσημος praeter Eur. Iph. Aul. vs. 252, qui ex interpolata illius fabulae parte est, tantum Ant. vs. 1021 legitur, ubi Nauckius e rasura duarum litterarum post εὖ dittographiam εὔαι suspicatus inde genuinam scripturam αἰσίμονος recte elicuisse videtur, quamquam εὔσημος hic etiam „facilis ad cognoscendum“ esse posse jure nonnulli interpretes statuerunt. Quapropter non εὔσημον sed εὔφημον scribendum videtur, ut Aesch. Ag. 28 dictum est: εὔφημων ὀλολυγμός de singultu gaudio expresso.

Phil. vs. 342.

ὁρθῶς ἔλεξας τοιγαροῦν τὸ σὸν φράσον
αὐθις πάλιν μοι πράγμ' ὅτῳ σ' ἐνύβρισαν.

Ellendtius ὅτῳ ad πᾶγμα refert: narra mihi rem tuam (Angelegenheit) qua te contumeliose habuerunt, quod absurdum esse patet. Propter sensum igitur ὅτῳ per se accipiendum est: narra mihi rem tuam, quid contumeliosi tibi intulerint.

Hoc tamen per se molestum est et molestius etiam fit eo, quod Graeci ὑβρίζειν et ἐφρυβρίζειν τι (ὑβριν τινά) quam τινί dicere maluisse videntur. Unum tantum exemplum inveni, in quo ὑβρίζειν cum dativo instrumentali conjunctum est: Aj. 560 οὗτοι σ' Ἀχαιῶν, οἶδα, μήτις ὑβρίσῃ στυγνατοὶ λώβαις. Hic tamen dativus necessarius est, cum pronomina semper casu accusativo (interioris objecti) addantur.

Itaque pro ὅτῳ ὅπως restituendum esse duco. Correctio est lenissima, cum *I* et *T* innumerabilibus locis inter se permutata sint nec minus frequenter litterae semel tantum scriptae inveniantur, ubi bis scribi debuerint. Ceterum L. γ. ὅπως ἐνύβρισαν habet, quae scriptura unde orta sit, definire nolo.

VI.

Sequitur, ut de iis locis disseramus, in quibus singulis verbis aliquid ineptum inest.

Oed. Col. 92.

(ἔλεξέ με) κάμψειν τὸν ταλαίπωρον βίον,
 κέρδη μὲν οἰκήσαντα τοῖς δεδεγμένοις,
 ἄτην δὲ τοῖς πέμψασιν, οἳ μ' ἀπήλασαν

Verissime Hermanus observavit, *οἰκήσαντα* meudosum esse. Meinekius certe frustra affirmat, *οἰκεῖν* abolita pro-pemodum, certe attenuata habitandi notione saepe nonnisi verbi substantivi vim induere, cujus usus exemplum desi-dero. Neque pro *οἰκονομέω* activo sensu usquam usurpa-tum est. Triclinius *οἰκήσοντα* correxit, quod num de se-pulcro semper Athenis remanente apte dictum sit, perdu-bium est. Haec jam Hermanus perspexit, minus tamen felix in conjectura facienda. Nam *οἰκίζειν* nusquam με-ταφορικῶς usurpatum esse videtur. Contra Nauckianum illud *ἐμπολῶντα* a sensu quidem commendatur, sed propter mutationis audaciam parum probabile est. Quapropter ego *κέρδη μὲν οὖν κτίσαντα* scripserim. *κτίζειν* enim ut nostrum „stiften“ universe de rebus inaugurandis et insti-tuendis nonnunquam usurpatur, cf. *χαλινὸν κτίσαι* O. C. 715 et Aesch. Suppl. 140 *τελευτήν κτίζειν*.

Oed. R. vs. 532.

οὗτος σύ, πῶς δεῦρ' ἦλθες; ἢ τοσόνδ' ἔχεις
 τόλμης πρόσωπον, ὥστε τὰς ἐμὰς στέγας
 ἵκον;

Particulam *ἦ*, ex apographis a plerisque editoribus insertam, hic absonam esse puto. Quamquam enim vis ejus saepe ea est, ut cum vi atque admiratione quadam interrogationem efferat, tamen semper veram exhibet in-terrogationem, ad quam responsio exspectatur. Hic vero talis quaestio: num tam impudens es, ut ad aedes meas accedere audeas, fatua foret. Nam neque hoc Oedípo du-bium esse poterat, num adesset Creon, neque, num tan-tam impudentiam haberet, ut veniret. Aderat enim Creon. Ergo etiam tantam impudentiam ei esse, ut accedere au-deret, rex sciebat vel, quod eodem redit, scire sibi vide-batur. Certum igitur est, *ἦ* librariorum interpolationi deberi. Nobis autem hoc agendum erit, ut conjectura, quae et fa-

cilior sit (ἡ enim quomodo excidere potuerit, cerni nequit) et sententiae satisfaciat, lacunam expleamus.

Utrumque Nauckius assecutus est conjectura probabili δεῦρ' ἤλυθες; τοσόνδ' ἔχεις κ. τ. λ. At ne viro doctissimo obsequar, offensione, quae in conjunctis τοσόνδε et πρόσσωπον est, prohibeor. τόλμης πρόσσωπον omnes interpretes recte explicant „τολμηρὸν πρόσσωπον. Hoc autem quo pacto τοσόνδε dici potest? Omnes hae difficultates tolluntur, si pro ἡ εἰς scribimus. Nimirum ΕΙΣ vel ΕΣ post ΕΣ excidit, quo vitiorum genere nihil frequentius est. ἐς τοσόνδε denique est nostrum „in dem Grade“, ut Aj. vs. 679 ἐς τοσόνδε ἐχθαρτέος legitur.

El. vs. 575.

ἀνθ' ὧν, βιασθεὶς πολλὰ ἀντιβάς, μόλις
ἔθυσεν αὐτήν, οὐχὶ Μενέλεω χάριν.

Nauckium jure in conjunctis βιασθεὶς πολλὰ offendisse judico. Hoc enim est aut: „oft gezwungen“, quod falsum est, quoniam semel tantum re vera coactus est, aut: „oft genöthigt“, quod tam infirmum est, ut jure Clytaemnestra respondere potuerit, tum Agamemnonem sine necessitate filiam mactavisse. Hoc posterius etiam in Nauckii conjecturam alioquin elegantem λιασθεὶς cadit. Facilior autem et aptior mihi videtur ea, quae mihi in mentem venit: βιασθεὶς πολλὰ τ' ἀντιβάς. Recte nunc πολλὰ conjunctum est cum ἀντιβάς. Nam cum ad βιασθεὶς relatum sententiae vim infringat, ad ἀντιβάς paene necessario consideratur. ἀντιβάς enim est postquam renisus est, non „renitens“, quod foret ἀντιβαίνων. Locum sic constitutum omni offensione liberum atque adeo poeta nostro dignissimum censeo: coactus et saepe renisus aegre filiam mactavit.

Antig. vs. 226.

πολλὰς γὰρ ἔσχον φροντίδων ἐπιστάσεις,
ὁδοὺς κυκλῶν ἐμαντὸν εἰς ἀναστροφήν.

Locum aggredior, quem corruptum esse in confessis est. Nam ὁδοῖς, in quo vel explicando vel emendando tamquam in cardine res versatur, nec esse potest, in iti-

nere faciendo, ut voluit Brunchius, quod foret ἐν ὁδῷ, nec, ut Seyffertus olim interpretatus est, spatiis faciendis, quod et contra naturam est et cum verbis εἰς ἀναστροφὴν κυκλῶν pugnat.

De medela vero magna est dissensio. ποδοῖν Seiffertus excogitavit, quo tamen infelicius excogitare nihil poterat. Itaque ipse conjecturae inventor ea rejecta aliam proposuit, οἰδῶν, quod post πολλὰς ἔσχον φροντίδων ἐπιστάσεις inutile est. Non melius Raspius ὥστ' ἂν κυκλῶν ἐμειντὸν εἰς ἀναστροφὴν temptavit. Quamquam enim ἂν apte additum esse putat, cum saepius repetitam rem indicet, mihi hoc ἂν ad πολλὰς relatum dici potuisse non videtur. Nam indefinitam quandam vim habet (Krüger: insofern die Wiederholung in der Vergangenheit als eine vorkommenden Falls eingetretene zu bezeichnen ist). Praeterea propter audaciam ne minimam quidem probabilitatem habet. Blaydesius ὁδοῦ καλῶν proposuit, quod tamen a muntii simplicitate alienum esse puto. Unum, quod ceterorum criticorum conjecturis aptius et propemodum necessarium est, invenisse mihi videor. Pro ὁδοῖς enim αἰετ scribendum esse censeo. Necessarium enim tale quid esse, quod saepius rem repetitam indicet, Raspius acute perspexit. Ut enim nunc verba se habent, nihil aliud dicunt, quam hoc: me vertens ad redeundum multas curas habebam vel potius cepi. αἰετ igitur est ἐκάστοτε, quoties tales curae mihi occurrebant „immer mich wendend zur Umkehr“. Similem colorem habet locus Euripideus (Heracl. 994) καὶ πόλλ' ἔτικτον νυκτὶ συνθακῶν αἰετ. Rem ipse nuntius vss. 228 — 230 describit. Nam haec secum volvens: τάλας, τί χωρεῖς οἷ μολῶν δώσεις δίκην, substitisse, sequenti deliberatione: τλήμων, μενεῖς αὖ κ. τ. λ. rursus ad pergendum impulsus esse cogitandus est.

Aj. vs. 1275.

ἐρχέων ποθ' ἑμᾶς οὗτος ἐγκέκλημένος
ἤδη τὸ μηδὲν ὄντας, ἐν τροπῇ δσρός
ἐρρύσας' ἐλθὼν μοῦνος.

Ajax Graecos impetu in Trojanos facto eo momento

servasse dicitur, quo castris inclusi jam nullam salutis spem habuerint. Quaeritur, quid significet *ἐν τροπῇ δορός*. Hoc enim duas interpretandi rationes admittit, quarum utra vera sit videamus.

Si *τροπῇ δορός* de hostibus fugatis dictum intelligimus, hunc sensum requiri apertum est, Ajacem restituto proelio Graecos servasse. Hanc tamen sententiam e verbis *ἐν τροπῇ δορός* elici posse nego. Impedimento enim est praepositio *ἐν*, quae non habet causalem vel instrumentalem vim, sed, ut Ellendtii verbis utar, rem certis datis certove tempore factam declarat, ut hic in conversione proelii, h. e. cum jam proelium restitutum fuerit, auxilium Ajax tulisse Graecis videatur. Recte dicitur *ἐν γῆρα βαρύς* (h. e. *ἐν γῆρα ὢν βαρύς*) cujus similia exempla multa colligi possunt. Sed his elocutionibus nostrum *ἐν τροπῇ δορός* esse posse „durch eine Wendung des Kampfes“ non probatur.

Multo minus etiam sanitatis habet altera explicatio, quae illa aliquanto simplicior est, „in fuga vos servavit“. Hoc vero vehementer languet. Nam cum Teucer Graecos inclusos, jam de omni salute desperasse exposuerit, quid attinebat dicere, in fuga eos fuisse? Si quid ad hanc miserae condicionis descriptionem addere poeta volebat nihil apponere poterat, quam tale quid, quod eam aut cummuleret aut comprehenderet. Quid igitur poeta scripsisse potest, quam *ἐν ῥοπῇ δορός*, quod apte omnia una summi discriminis notione complectitur?

Phil. vss. 867.

ὦ φέγγος ὕπνου διάδοχον, τό τ' ἐλπίδων
ἄπιστον οἰκούρημα τῶνδε τῶν ξένων.

Nauckius dubitat, nūm propter grammaticam rationem *ἐλπίδων ἄπιστον οἰκούρημα* dici potuerit. Et habet sane aliquid molesti, cum negandi vis, qua in talibus elocutionibus (*ἄσκενος ἀσπίδων, ἄκλαντος φίλων, ἄτεκνος ἄρσενος παίδος*) genitivus regitur, in voce *ἄπιστος* paene evanuisse videatur. Senties hoc, quod volo, si nostrum „unglaublich“ consideraveris. Nam si Graeci *ἐλπίδων ἄπιστος* dicunt,

nobis dicendum est ungläublich an Hoffnungen cum simplex illud ἄπιστον (ungläublich) magis consentaneum foret.

Deinde apertum est, illud ἄπιστον optime satisfacere sententiae, et vim ejus esse talem, ut appposito ἐλπίδων neque definiatur neque cumuletur. Immo ἐλπίδων ejusmodi est, ut superfluum sit, ergo verborem gravitatem imminuat. Nam si aliquid ἄπιστον (insperatum) est tunc id insperatum esse spe per se patet. Quod cum a Sophocleo cothurno alienum sit, facere non possum, quin corruptelam suspicer. Hanc autem non in voce ἐλπίδων, quamquam nunc languet, latere puto, sed in ἄπιστον, quod glossa ortum esse existimo. Quapropter elocutionem restituendam esse duco, quae ἐλπίδων servato eundem sensum habeat atque traditum illud ἄπιστον. Talem autem habemus, si ἐλπίδων περιρρόν scribimus, cui dictioni simillimum est, quod Aeschylus Ag. 254 dixit χάσμα μείζον ἐλπίδος. περιρρόν cum genitivo conjunctum legitur El. 155.

Aj. vss. 463 sqq.

πῶς με τλήσεται ποτ' εἰσίδειν
γυμνὸν φανέντα τῶν ἀριστείων ἄτερ,
ὃν αὐτὸς ἔσχε στέφανον ἐνκλείας μέγαν;

Dici potuissi μέγας στέφανος ἐνκλείας τῶν ἀριστείων non magis credere possum, quam Nauckius. Dicitur et στέφανος τῶν ἀριστείων, summum virtutis praemium, et στέφανος ἐνκλείας summa gloria (Ruhmeskranz). Sed quid sibi vult ὁ μέγας στέφανος τῶν ἀριστείων, cum ipsum στέφανος τῶν ἀριστείων summum sit virtutis praemium? Quid porro est ὁ στέφανος ἐνκλείας (Ruhmeskranz) τῶν ἀριστείων? Opimum profecto, ne quid gravius dicam dicendi genus exoritur his μέγας στέφανος ἐνκλείας τῶν ἀριστείων in unum conjunctis et conglutinatis. Itaque totum versum ejiciendum judicarem, nisi illius offensionis facilis medela suppeteret. Nam haec quidem offensio sublata erit, μέγα pro μέγαν scripto. Quamquam etiam nunc haereo in verbis: πῶς με τλήσεται ποτ' εἰσίδειν γυμνὸν φανέντα τῶν ἀριστείων ἄτερ (h. c. sine illis Achillis armis a ducibus tamquam summae virtutis praemio propositis) ὃν αὐτὸς

ἔσχε στέφανον ἐκκλείας μέτα, ut non multum absit, quin totum versum ejiciendum esse judicem.

VII.

Saepenumero poetas ubertatis quandam speciem affectantes verba, quae nobis satis superflua videri possunt addidisse constat. Nonnunquam tamen facili emendatione alia restitui possunt, quae nervosiora ideoque poeta digniora putanda sunt.

Oe. Col. vs. 1558.

ὥς μὲν γὰρ ἐνθ' ἐνδ' εἶρπε, καὶ σύ που παρὼν
ἔξοισθ' ὑφηγητῆρος οὐδενὸς φίλων,
ἀλλ' αὐτὸς ἡμῖν πᾶσιν ἐξηγούμενος.

φίλων hic satis inutile est. Ubi enim de illa mira caecis oculis itineris inveniendi facultate agitur, nihil attinet, utrum amicorum aliquis h. e. filiarum et regis, an alius quilibet eum non duxerit.

Ipse, opinor, senties, si tantum scriptum esset: οὐδενὸς εἶρπε ὑφηγητῆρος ἔγοντος ἀλλ' αὐτὸς ἡμῖν πᾶσιν ἐξηγούμενος, hoc non modo esse satisfacturum, sed etiam aliquantulo fortius et aptius esse quam illud εἶρπε οὐδενὸς ὑφηγητῆρος φίλων, ἀλλ' αὐτὸς ἡμῖν πᾶσιν ἐξηγούμενος. Deinde aliquid ambigui habent verba ὑφηγητῆρος οὐδενὸς φίλων, est enim: cum nemo amicorum eum duceret, quod non satis aperte indicat, omnino nulle duce Oedipum esse usum, sed tantum, eum non amicorum uno duce usum esse. Jam vides, si φίλων abesset, aptius conjungi οὐδενὸς ὑφηγητῆρος; nullo duce. Itaque φίλων proclivi errore ex θιγῶν ortum esse judico, quae mutatio lenissima est: ΘΙΓΩΝ ΦΙΛΩΝ.

Aj. vs. 81

μεμνηνὸτ' ἄνδρα περιφανῶς ὀκνεῖς ἰδεῖν;

Sic versu interpuncto non liquet, quo sit trahendum περιφανῶς. Namque ad μεμνηνὸτα adnexum, non solum supervacaneum, sed etiam aliquo modo molestum est. Neque aptius est ad ὀκνεῖν relatum, quocum propter verborum collocationem conjungendum esse videtur: aperte me-

tuis hominem insanientem videre? Nihil profecto interest, utrum aperte an occulto illum Ulixes metuat. Tertium foret, si quis περιφανῶς ἰδεῖν conjungi vellet, quod eadem offensione laborat et verborum ordine exploditur. Quapropter pro interrogandi signo punctum in fine versus ponendum esse puto, ut haec evadat sententia: Manifesto virum insanientem videre metuis, quod idem est atque hoc: erga quia insanit Ajax videre eum te metuere apertum est, ad quod rem concedens Ulixes, haec sane, inquit, causa est. Nam si sana esset mente non eum metu vitarem.

Phil. vs. 1060.

τί δῆτα σοῦ δεῖ; χαῖρε τὴν Αἴμνον πατῶν
ἡμεῖς δ' ἴομεν·

In his verbis per se nihil est, quod offendere possit. Acrior tamen fit irrisio, si pro τὴν lenissima mutatione σὴν restituimus. Nam τὴν hic nullam vim habet, habet contra σὴν haut exiguam. „Delectare calcanda Lemno tua“ h. e. quam unam diligere videris ut eam cuicunque regioni praeferas, hoc acerbius esse quam simplex illud „delectare Lemno calcando“ quis negabit?

VIII.

Restat, ut de iis locis disseramus, in quibus propter grammaticae vel omnino linguae leges aliquid vitii inesse putandum est. Atque de iis quidem, in quibus jam ante me critici haeserunt, primo disputabimus, de ceteris post videamus.

Ant. vss. 1155 seq.

οὐκ ἔσθ' ὅποιον στάντ' ἄν ἀνθρώπου βίον
οὗτ' αἰνέσαιμ' ἄν οὐτε μεμψαίμην ποτέ.

De hoc loco, de quo jam multum disputatum est, iterare certamen audeo, cum nihil adhuc prolatum esse videam, quo res confecta esse putari possit. Atque ex iis quidem, qui codicum auctoritatem tuiti sunt, copiose disputavit Kuicala (Abhandlungen der Wiener Ac. 1865.) Hic igitur ceterorum interpretum commentis ita refutatis, ut iterum refutare nihil attineat, Schneidewini interpretatio-

nem unice probat: kein Leben, mag es sich gestellt haben wie es will, kann ich ferner weder loben noch tadeln.

Sed ut planam, quam Kuicala proposuit disputationem sequar, ex his formulis: οὐκ ἔστι βλος, ὅποισοῦν στάς, ὃν ἂν αἰνέσαιμι vel: οὐκ ἔστι βλος ὁποῦν στάς, ὃν ἂν αἰνέσαιμι nostram elocutionem oriri posse nego. Ex illa tantum hoc elici potest: οὐκ ἔστιν ὃν ἂν βλον, ὁποῦν στάς, αἰνέσαιμι, ex altera hoc: οὐκ ἔστιν ὃν ἂν βλον ὁποιοῦν στάς, αἰνέσαιμι. Analogia illius formulae, qua etiam Kuicala utitur vel potius abutitur: οὐκ ἔστιν ὄντινα ἂν βλον αἰνέσαιμι pro hac: οὐκ ἔστι βλος ὄντινα ἂν αἰνέσαιμι, nostrum οὐκ ἔστιν ὅποτον στάς βλον αἰνέσαιμι' ἂν tantum ex hac elocutione: οὐκ ἔστι τοιοῦτος βλος στάς, ὅποτον ἂν αἰνέσαιμι vel οὐκ ἔστι τοιοῦτος βλος, ὅποτον στάς αἰνέσαιμι ἂν ortum esse convincitur. Utrumque autem hanc tantum sententiam praeberere potest: nullam vitam, dum stat, qualiscunque est, laudaverim, quae quamquam a Boeckhio comprobata est, tamen hic ineptissima est. Itaque si eam sententiam, quam Schneidewinus verbis inesse putat, proferre volebat poeta, sic potius scribere debebat: οὐκ ἔστιν ὄντινα ἂν βλον ὁποιοῦν στάς αἰνέσαιμι.

Itaque ne Ellendtii quidem explicatione: οὐκ ἔστι βλος τοιοῦτος ὥστε ἐπαινέσαιμι ἂν στάς ὁποιοῦν difficultatem tolli patet. Nam ὅποτος ille bis posuit, primum relativo sensu, οὐκ ἔστι τοιοῦτος βλος, ὥστε (h. e. ὅποτον), ἐπαινέσαιμι ἂν, et mox sensu indefinito: ὁποιοῦν στάς, quod falsissimum est. Nam nostrum ὅποτον (οὐκ ἔσθ' ὅποτον κ. τ. λ.) jam primo ὅποτον, quod in τοιοῦτος ὥστε latet, quasi absumptum est, ergo non iterum sensu indefinito ad στάς suppleri potest.

Sensum igitur, quem illi statuerunt, sanum, verba falsa esse vidimus. Emendandum autem esse locum sic puto. ὅποτον ἂν τιν' ἀνθρώπον βλον κ. τ. λ. quod etiam Meinekium invenisse video et alios quoque post me inventuros esse credo. Nam simplicissimum est et litterarum similitudine commendatur. Certe Nauckii conjectura πάντ' ἂν falsa est. Tale enim „ab omni parte“ sententiam corrum-

pit. Nam non ab omni parte nullam vitam nuntius laudare vult, sed omnino a nulla parte.

Occasione oblata locum Euripideum simili vitio purgare liceat. Legitur Andr. vs. 1069:

οὐχ ὅσον τάχος
χωρήσεται τις Πυθικὴν πρὸς ἑστίαν,
καὶ τὰνθάδ' ὄντα τοῖς ἐκεῖ λέξει φόλοις;

Sententia est: nuntiabit, quae hic aguntur, quod alias nudum τὰ ἐνθάδε est. ὄντα igitur non modo superfluum est, sed etiam molestum atque ineptum, cum significet: das hier befindliche. Itaque pro ὄντα οἷα, scil. ἐστί, scribendum erit, de qua ellipsi conf. Ant. 318, Oed. R 928, Aj. 103, 118.

Antig. vs. 1066.

ἀλλ' ἐν γέ τοι κάτισθι μὴ πολλοὺς ἔτι
τροχοὺς ἀμιλλητῆρας ἡλιοῦ τελῶν,
ἐν οἷσι τῶν σὼν αὐτὸς ἐκ σπλάγχνων ἕνα
νέκυν νεκρῶν ἀμοιβὸν ἀντιδοὺς ἔσει.

Pro ἐν οἷσι scribendum esse ἕως οὗ jam pridem suspicatus sum. Nec tamen hanc conjecturam hic proponerem, cum jam ante me Morstadtium in eam incidisse cognoverim, nisi eam prorsus neglectam jucere viderem. Unus Kuicala eam commemorat, sed prorsus temerariam et inutilem dicit, quod iudicium, quasi de me ipso nominatim factum esset, aegre me tulisse fateor. Quapropter probare conabor, eam non modo non inutilem, sed adeo necessariam esse.

vs. 1065. ἡλίου τελῶν retineas an ἡλίον τιλεῖν, quod equidem probo, scribas, ad conjecturam nostram non multum refert. ἡλίον τιλεῖν scripto, sensus hic est, non multa temporis spatia praeteribunt, dum-daturus eris. Sed, ut altius rem repetam, dici sane potest: intra minus tres dies morieris, h. e. non pleni tres dies praeteribunt usque ad mortem tuam, vel; non tres dies praeteribunt donec morieris. Sed falsissimum est si dicas: non tres dies praeteribunt, intra quos morieris. Illi igitur dies non praeteribunt? Spatium sumis, cujus extremus finis tertia abhinc dies sit, intra quod mortem accidere necesse sit, et hoc

spatium praeterlapsurum esse negas? Sed hoc dicere potes: non tres dies praeterlabentur, dum morieris, cum sic illud spatium minus esse trium dierum dicas. Dicere ergo poetam oportebat aut: ἐν·παύροις ἡλίον ἀμιλλητῆρσι τροχοῖς ἀντιδοὺς ἔσει, aut: οὐ πολλοὺς ἔτι ἀμιλλητῆρας τροχοὺς ἡλιος τελεῖ, ἕως ἀντιδοὺς ἔσει. Neque aliter rem se habere, si traditum ἡλίον τελῶν tueri mavis, patet. Nam dicendum est non „non multos dies vives, intra quos daturus eris“, sed „non multos conficies dies dum dabis.“

Certum igitur et evidens est, nostri loci rationem illud ἕως requirere, quod illa conjectura facillime consequimur. σὺ autem elegantiae quandam speciem prae se fert, cum sententiae acerbiter ipsa oratione et declamatione adjuvet, quod cerni potest etiam vs. 1085: τῶν σὺ θάλλος οὐχ ὑπεκδραμεῖ et Eur. Alc. vs. 64 et 72, ubi in altercando Apollo

ἦ μὴν, inquit, σὺ παύσει, ὥμος ὦν ἀγάν.
et paulo post Mors
πόλλ' ἂν σὺ λέξας οὐδὲν ἂν πλέον λάβοις.

Ant. vs. 1249.

κάντος τεθάμβηκ': ἐλπίσιν δὲ βόσκομαι
ἄχῃ τέκνου κλύουσιν ἐς πόλιν γόους
οὐκ ἀξιώσιν, ἀλλ' ὑπὸ στέγῃς ἔσω
δμῳαῖς προθήσειν πένθος οἰκεῖον στένειν.

Merito Nauckium aliosque criticos elocutionem hanc: εἰς πόλιν γόους οὐκ ἀξιώσιν suspectam habuisse puto. Nam γόους εἰς πόλιν (publicas querelas) ἀξιῶν νομίζειν Graece dictum esse incredibile est. γόους εἰς πόλιν γοᾶσθαι recte dictum foret, γόοι εἰς πόλιν inauditum est. Certe γοᾶσθαι suppleri posse hodie nemo sibi persuadebit. Hac re commotus Wolffius aliter verbis constructis linguae legibus satisfacere studuit. στένειν enim etiam ad γόους ἀξιῶν pertinere vult et ob hanc causam in extremo fine enuntiati collocatum esse existimat. Haec tamen constructio contorta ac perdura est: ἐλπίζω αὐτὴν ἐς πόλιν γόους (στένειν) οὐκ ἀξιώσιν, ἀλλὰ ὑπὸ στέγῃς ἔσω δμῳαῖς προθήσειν πένθος οἰκεῖον στένειν. Quis enim nisi virgulis

et adnotatione critica admonitus ἀξιώσειν ab γόους dirimet? Haec profecto ratio ne declamando quidem satis dilucide exprimi potest. Huc accedit, quod στένειν, quod supplere jubemur, ab ἀξιώσειν, alterum autem a novo verbo προθήσειν pendet, accedit etiam, quod prius illud στένειν flere, fletu edere significaret et cum accusativo, qui dicitur interioris objecti, conjunctum foret, mox autem sensu deflendi dictum et cum objecto, quod proprie sic appellatur, conjunctum foret. Itaque hanc constructionem οὐκ αὐτὴν γόους, ἀλλὰ τὰς δμῳαὶς ὑπὸ στέγης στένειν ἀξιώσειν ferri posse, nostrum vero ἐλπίζω αὐτὴν ἐς πόλιν γόους (στένειν) οὐκ ἀξιώσειν, ἀλλὰ ὑπὸ στέγης δμῳαῖς προθήσειν πένθος οἰκτεῖον στένειν intolerabile esse patet.

Denique etiam futurum tempus ἀξιώσειν offensioni est. Omnibus enim rebus compertis jam nihil reliquum erat reginae nisi ut in querelas erumperet. Itaque cum causam nuntius rei mirae circumspiciat, ideo reginam tacentem domum rediisse sperat, quod illas querelas publice effundere inhonestum putet, non vero quod aliquando vel semper putatura sit. Ergo non ἀξιώσειν γόους reginam, sed ἀξιοῦν nuntium sperare necesse est. Ac ne quis sequens προθήσειν mihi objiciat, monendum est, hoc προτιθέναι rem esse exspectatam et futurum. Ut igitur in ea futurum necessarium est, ita illic, ubi de re praesenti agitur, falsum est.

Locum igitur corruptum esse Blaydesius recte statuit. Sed conjectura, quam proposuit, mira est et talis, ut morbum morbo sanet. ἐξανήσειν enim linguae quidem legibus satisfacit, sed sententiam corrumpit. Locus enim sic constitutus hanc haberet sententiam: spero fore ut regina non publicas querelas effundat. Quasi vero nuntius nunc modestiam et honestatem reginae curaret. ἀξιοῦν igitur retinendum est, cum causam indicet, ob quam reginam rediisse domum nuntius suspicatur.

His ita consideratis ἀξιώσειν ex ἀξιοῦν χεῖν conflatum esse puto, quod vitiorum genus in omnibus fabulis Sophocleis grassatum esse constat, hic autem eo facilius oriri poterat, quod infra προθήσειν legitur.

El. vss. 902—904.

κεῦθ' ὅς τάλαιν' ὥς εἶδον, ἐμπαίει τί μοι
 ψυχῇ σύνηθες ὄμμα, φιλτάτου βροτῶν
 πάντων Ὀρέστου τοῦθ' ὄρ' ἄν τεκμήριον·

Multum hic locus vexatus est ab interpretibus. Corruptum eum esse jam aliquot abhinc annos judicavi. Sed cum de suspicione mea ipse postea dabitare coeperim, nunc tandem, cum etiam Hermannum partim mecum facere videam, quid sentiam proferre audeo.

Difficultas autem loci est duplex. Nam si ὄμμα de specie interpretamur, quae animo obversetur h. e. de opinione subito oborta, sequentia ita iis subjici necesse est, ut illam speciem explicent: species in animum mihi incurrit, vel si L. A. pr. m. ψυχῆς praeferas, species animi subito mihi oboritur, haec me — videre. Tum vero σύνηθες non conveniens est, cum talis opinio potius insolens, inexpectata dicenda fuerit. Nam συνήθης non est προσφιλής, sed id, quod longo usu ac consuetudine familiare nobis factum est, quod in talem opinionem minime quadrat. Sin autem ὄμμα φιλτάτου βροτῶν conjungimus, ut alii interpretes voluerunt, tum sequens infinitivus claudicat nec habet quo nitatur.

Itaque sic quondam locum emendandum esse putavi: ἐμπαίει τί μοι ψυχῇ σύνηθες ὄνομα (in ὄνομα etiam Hermannum incidisse Michaelis adnotat) φιλτάτου βροτῶν πάντων Ὀρέστου τόδε θ' ὄρ' ἄν τεκμήριον. Hoc ita explicandum est: in animum mihi incurrit nomen familiare, carissimi omnium mortalium, Orestis, et (scil. cogitatio) hoc me videre fratris documentum (ex quo eum praesentem esse appareat). ἐμπαίει sic duplici modo constructum foret. Cum infinitivo conjungi posse videtur ex analogia verbi παρίστασθαι.

Hoc etiam nunc retineo, quamquam si quis ὄμμα tueri mallet, equidem non vehementer obloquar, etsi σύνηθες melius quadrare puto ad nomen, quam ad speciem Orestis: in animum mihi incurrit species familiaris fratris carissimi; (h. e. imago, opinio, sive facies) et hoc me videre documentum.

Ant. vss. 882 sq.

ἀρ' ἴστ' αἰοιδὰς καὶ γόους πρὸ τοῦ θανεῖν
ὥς οὐδ' ἂν εἰς παύσαιτ' ἂν, εἰ χρεῖη λέγειν.

In constructione durissima criticorum neminem offendisse vehementer miror. E *χρεῖη λέγειν* enim *λέγων* ad *παύσαιτ' ἂν* supplendum esse dicunt. Si *αἰοιδὰς καὶ γόους* non additum esset (*οὐδ' ἂν εἰς παύσαιτ' ἂν* εἰ *χρεῖη λέγειν*) nihil contra disputarem, quamquam non participium ipsum suppletur, sed tantum notio verbi subcogitatur. Tale vero participium ita, ut etiam accusativi *γόους καὶ αἰοιδὰς* ab eo pendeant, ex hoc *χρεῖη λέγειν* suppleri posse, mihi quidem incredibile est. Nihil reprehendi posset, si *αἰοιδὰς καὶ γόους* post *χρεῖη λέγειν* positum esset. Sed talis constructio: *οὐδεὶς ἂν παύσαιτο αἰοιδὰς καὶ γόους (λέγων) εἰ χρεῖη λέγειν*; et in Graeca et in quavis alia lingua intolerabilis est.

Accedit, quod *αἰοιδὰς* a Graecis *λέγεσθαι* potuisse nemo probabit. Haec offensio maneret, si *λέγων* pro *λέγειν* scriberetur, quod eo quoque nomine falsum est, quod sic verborum ordo evaderet, quali tirones, grammaticae tantum leges consulentes uti solent. Itaque cum *παύεσθαι* transitivo sensu accipi nequeat, *παύσειεν* restituendum esse iudico, planissimo et sensu et constructione. Nunc *λέγειν* per se accipiendum est: wenn man ihm zu reden erlaubt.

Antig. vss. 726—728.

οἱ τηλικοῖδε καὶ διδαζόμεσθα δὴ
φρονεῖν ὑπ' ἀνδρὸς τηλικοῦδε τήν φύσιν;

ΛΙΜΩΝ

μηδὲν τὸ μὴ δίκαιον.

Wolfius jure negat *μηδὲν τὸ μὴ δίκαιον* explicari posse, nihil quod injustum sit. Nihil enim differt, dicas, nihil quod injustum est, an nihil injustum, nihil, utrum *οὐδεὶς ὅστις ἐστὶν Ἀθηναῖος* an *οὐδεὶς Ἀθηναῖος*. Quod si interpretes *οὐδὲν τὸ μὴ δίκαιον* dictum esse pro *οὐδὲν ὅτι μὴ δίκαιόν ἐστιν* credunt, etiam hoc credere debent, *οὐδεὶς ὁ Ἀθηναῖος* pro *οὐδεὶς ὅστις Ἀθηναῖός ἐστιν* Graece dici potuisse. Neque quod ab editoribus in comparisonem vo-

catum est: ἄπορος ἐπ' οὐδὲν ἔρχεται τὸ μέλλον (Ant. 359) huc referri debebat. Nam hoc recte quidem dictum sed falso a plerisque explicatum est. τὸ μέλλον enim interpretandum videtur: in posterum, posthac, ut vs. 611 (τό τ' ἔπειτα καὶ τὸ μέλλον καὶ τὸ πρὶν ἐπαρκέσει).

Itaque cum μηδὲν τὸ μὴ δίκαιον sic explicari nequeat, μηδέν adverbialiter, e nulla parte, Wolffius, interpretatur. Sed primum notanda est inconcinnitas responsi: Nam hoc „durchaus nichts Ungerechtes“ ita tantum consentaneum esset, si Creon τοιαῦτα δῆ vel ποῖα διδαζόμεθα vel simile quid interrogavisset. Majorem etiam molestiam parat articulus τὸ δίκαιον. Qui enim τὸ μὴ δίκαιον discit, is τὴν ἀδικίαν discit. Nam ea est articuli vis, ut quidquid injustitiae notione comprehenditur, conjunctum proponat, ut apud Sophoclem τὸ γενναῖον, τὸ σύννηθες (nobilitas, consuetudo) legitur. Sed hic de una re agitur, quae non injusta esse dicitur, ut jam articulum removendum esse pateat.

τό igitur in γέ, mutandum esse existimo, quae particula propter respondendi rationem paene necessaria est. concedit enim Haemon illud διδαζόμεθα vere sibi exprobrari, sed limitat simul concessum.

El. vs. 929

κατ' οἶκον, ἥδ' οὐδὲ μητρὶ δυσχερής.

Haud eleganter poetam hic locutum esse, si haec sic scripsit, facile unus quisque mihi concesserit. Quamquam enim Graeci saepe singula verba in altero enuntiati membro collocaverunt, cum etiam ad prius pertineant, tamen in membris adversative conjunctis haec orationis neglegentia, alias venusta, dura fit ac molesta. Itaque nostrum, gratus sed non matri molestus, talibus exemplis, quale hoc est, φράζων ἔλωσιν Ἰλίον τ' ἀνάστασιν vix defenditur. Mibi quidem poeta scripsisse videtur: κατ' οἶκον, ἥδ' οὐδὲ μητρὶ, δυσχερής δὲ νῶν.

Ant. vss. 327—329.

ἀλλ' εὐρεθείη μὲν μάλιστα· ἔαν δέ τοι
ληφθῇ τε καὶ μὴ, τοῦτο γὰρ τύχη κρινεῖ,
οὐκ ἔσθ' ὅπως ὄψει σὺ δεῦρ' ἐλθόντα μέ.

Ad καὶ μὴ nihil e verbis praecedentibus suppleri potest, nisi ληφθῇ. Verba autem ἔαν ληφθῇ τε καὶ μὴ ληφθῇ esse posse, quod Nauckius putat, idem atque ἔάν τε ληφθῇ, ἔάν τε μὴ ληφθῇ, fortiter nego. Ut nunc verba scripta sunt, una tantum condicio proponitur: si autem deprehenditur et non deprehenditur, quasi utrumque simul fieri posse nuntius dicat. Itaque cum haec esse debeat sententia: sive reperitur, sive non reperitur, tu me neutro modo huc regressum videbis, duplex autem condicio duplicem particulam cendicionalem requirat, hanc sic restituendam esse mihi persuasum est: ἔάν δέ τοι ληφθῇ τ' ἔάν τε μὴ, τὸ γὰρ τύχη κρινεῖ, οὐκ ἔσθ' ὅπως ὕψει σὺ δεῦρ' ἐλθόντα με. Corruptelae origo ea fuisse videtur, quod librarii pro τὸ contra metrum τοῦτο inserebant, quo facto antecedentia sic correcta sunt, ut nunc scripta exstant.

Ant. vs. 447.

ἦδης τὰ κηρυχθέντα μὴ πράσσειν τάδε.

Pro ἦδης τὰ Cobetus certa conjectura ἦδησθα restituit. Illum librariorum errorem causam extitisse puto alterius corruptelae, quae tamen non minus facile sanari potest: κηρυχθέντα enim ortum esse censeo e κηρυχθὲν τό. Nam talis participii vel adjectivi pluralis sic tantum admittitur, si cum copula conjunctum praedicatum, quod dicitur, conformatur. (vid. Wolff. a. h. l.) Eadem corruptela Eur. Alc. 706 editores fugit. Nam pro πλείω λέλεκται νῦν τε καὶ τὰ πρὶν κακὰ scribendum esse πλείω λέλεκται νῦν τε καὶ τὸ πρὶν κακὰ particularum τέ — καὶ ratio demonstrant.

Phil vs. 231.

οὐ γὰρ εἰκὸς οὗτ' ἐμὲ

ὑμῶν ἀμαρτεῖν τοῦτο γ' οὗθ' ὑμᾶς ἐμοῦ

ἀμαρτεῖν τι a Graecis alio sensu, quam qui hic necessarius est, usurpari solet. Nam si lexicographis et grammaticis fides habenda est, accusativus semper est interioris objecti. (Conf. Krüger. 47, 14. 5.) Itaque τοῦτο ἀμαρτεῖν idem sit necesse est atque: ταύτην τὴν ἀμαρτίαν ἀμαρ-

τείν, quod absurdum est. Sensu autem verbi ἀποτυγχάνειν semper cum genitivo conjungitur, quem hic quoque perleni medela τοῦδε γε scribendo restituendum esse judico.

V i t a.

Natus sum K. Walter, Freienbessingae, in vico quodam provinciae Saxoniae anno hujus saeculi quinquagesimo primo die quinto mensis Decembris, quo in vico pater meus sacris ministrandis praeerat. Quo praematura morte orbatus, cum quartum aetatis annum nondum confecissem, cum matre et fratribus Arnstadtiam migravi, ubi usque ad triennium academicum perpetuo versatus sum. Liberalius coeptus sum in gymnasio institui, cum novem annos natus essem.

Paullo post Pabstio, cujus viri praestantissimi auspiciis tum gymnasium florebat, morte ablato, scholae gubernatio delata est Kroschelio, viro et doctrina et animi bonitate pariter ornato, cui gratias ago quam maximas. Anno 1872 maturitatis nactus testimonium, inter cives academicos literariae universitatis Halensis receptus sum, theologiae et philologiae operam navaturus. Sed cum per semestre spatium in unam theologiam incubuissem, mutato consilio ad philologiam me contuli. Unum igitur et dimidium annum scholis professorum illustrissimorum Keil, Bernhardy, Ulrici, aliorum, usus, ad Jenensem literarum universitatem me contuli, unde jam dimidio anni post Hallam redii. Ibi annum moratus Lipsiam demigravi scholisque nonnullis professorum illustrissimorum Curtius, Ritschl, Zarneke per hiemem interfui.

... ..
... ..
... ..

... ..
... ..
... ..

... ..
... ..
... ..

... ..
... ..
... ..

... ..
... ..
... ..

... ..
... ..
... ..